

Et si Luna fuerit ipsi iuncta, uel eum bene aspexerit, configurata ambobus temporibus, & recepta, & fortunata, crescens lumine & numero, indicat augmenta substantiæ ex hæreditatibus mortuorum, aut ex feminibus uel plantis, uel per riuos, & aquarum ductus, cum bona fama nobilium, matris & mulieris. At si talis aspectus fuerit in uno istorum temporum, & non in alio, hæc omnia minora contingent.

Et quando hi planetae aspexerint Saturnum malo aspectu, & sit separatus cum illo aspectu, indicat infortunium secundum Saturni naturam magnum & graue.

Et quando Saturnus ceciderit ab ascendente, & fuerit in domo secunda aut octaua, si fuerit ibi receptus, aut aliquam habuerit dignitatem, habebit bonum ex hæreditatibus mortuorum, aut ex loco incogitato. Et si infortunatus fuerit in his locis, & non habuerit ibi dignitatem, nec fuerit receptus, pigriciam significat & miseriam nati. Sed nota bene, quòd si fortuna fuerit in sexta uel duodecima, indicat ægritudinem, carcerem, seruorum & animalium mortem, & superari ab inimicis suis.

Et quando Saturnus fuerit combustus, aut retrogradus, scilicet si sit in domo Iouis, uel in nocturna genitura, grauitatem ratione senij, & seniorum sue gentis febres ex humido prouenientes, melancholicasq;, & substantiæ damna significat. Et si cum his fuerit in signo peregrino, euenient ei itinera mala, aut causa hominum extraneorum. Et si fuerit in domo sui amici, erit infortunium illud causa suorum amicorum.

Et si Sol eum combusserit, non existente aliqua conuenientia inter ipsos significat fortem carcerationem diuturnam regisq; metum, aut longam ualetudinem, & malam in loco abscondito, & damna ex parte patris uel aui.

Et si in hoc statu fuerit alicui planetae iunctus, uel eius Dodecatemorio, damnabit res, quæ fuerint de natura illius planetae, uel Dodecatemorij eius.

Et quando Saturnus fuerit sic in die cum dicta constellatione, significat quòd tale damnum cito finietur, & hæc mala quæ significat, erunt secundum loci & ligni naturam, in quibus fuerit.

Quando dominus anguli fuerit in angulo, & alius planeta eum infortunauerit ex quadrato uel opposito, non recipiendo ipsum, significat fortem laborem, & malum illud erit manifestum, & tanto peius, si cum hoc fuerit occidentalis, intrando combustionem, quia tunc id malum erit ab omnibus partibus. Et si in hoc statu fuerit ipse angularis, uel in succedenti, erunt hæc leuiora & minora &c. Et si in cadenti, id malum erit cælatum.

Et si cum hoc aspexerit eum aliquis planeta cadens ab angulo, detegetur hoc quod prius erat cælatum. Et si dominus anni applicuerit illi planetae, qui eum aspicit ab angulo, ille met homo retrahet bonum eius, & deteget malum & laborem suum.

Iupiter dominus anni.



IUPITER quando fuerit dominus anni in bono statu, in radice, & in reuolutione, in domo uel exaltatione sua, aut domo sui amici orientalis, & saluus ab omni impedimento, indicat amorem & conuenientiam cum regibus & magnis uiris, bonasq; cogitationes, & res nati bene procedent, eritq; suis æqualibus potentior, & præficietur in sua Ciuitate alicui officio, filiumq; & prosperitatem, diuitiasq; sine multo labore habebit. Et si fuerit in decima, erunt hæc ex parte regum, & suorum magisteriorum. Et si in septima, erit ex parte mulieris uel coniugis. Et si in quarta per possessiones, uel per parentes suos. Et si in nona uel tertia, uidebit uera somnia, & utilitatem in itineribus & undecunq;. Si in undecima, bonum ab amicis. Si in quinta, lucra cõsequetur habebit filium bonum, & gaudia multis modis. Si in secunda uel octaua fuerit, natus
lucra